



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ԱՌԱՋԻՆ ՏԵՂԱԿԱԼ

Երևան-0015, Մ.Խորենացու 3, 7

06.02.2024թ.

Որոշում թիվ 666-2024/01-Կ
Վարչական իրավախախտման գործը կարճելու վերաբերյալ

ՀՀ պետական եկամուտների կոմիտեի նախագահի 1-ին տեղակալ Արտյոմ Սմբատյանս՝ քննելով «ԿԱՐԴԻՈՄԵԴ ԲԺՇԿԱԿԱՆ ԿԵՆՏՐՈՆ» ՍՊ ընկերության /ՀՎՀՀ՝ 01267854/ տնօրեն Գայանե Հակոբյանի վերաբերյալ վարչական իրավախախտման վարույթի նյութերը՝

Պարզեցի

ՀՀ պետական եկամուտների կոմիտեի իրավաբանական վարչությունում, ղեկավարվելով ՀՀ հարկային օրենսգրքի 431-րդ հոդվածի 12-րդ մասով, Վարչական իրավախախտումների վերաբերյալ ՀՀ օրենսգրքի 254-րդ, 255-րդ և 182.6-րդ հոդվածներով, հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու հատկանիշներով «ԿԱՐԴԻՈՄԵԴ ԲԺՇԿԱԿԱՆ ԿԵՆՏՐՈՆ» ՍՊ ընկերության /ՀՎՀՀ՝ 01267854/ տնօրեն Գայանե Հակոբյանի /ՀԾՀ՝ 6707680382, Ն/Ք՝ 011858958, տրված 24.05.2021թ-ին, 013-ի կողմից, հասցե՝ ք. Երևան, Դավթաշեն, Դավթաշեն 4 թղմ, 22, 26/ վերաբերյալ հարուցվել է վարչական իրավախախտման վարույթ: Մասնավորապես՝ Գայանե Հակոբյանը չի կատարել հարկ վճարողի գույքի վրա արգելանք դնող պաշտոնատար անձի կողմից 31.10.2023թ-ին կազմված և 29.11.2023թ-ին էլեկտրոնային silva@fintax.am հասցեի միջոցով ծանուցված գրությամբ առաջադրված պահանջները: Այն է՝ գրությամբ նշված ժամկետում չի ներկայացրել հարկ վճարողի դրամարկղում առկա կանխիկ դրամական միջոցների և այլ գույքի գույքագրման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով տեղեկություններ, այդ թվում՝ դրամարկղային գիրքը:

Փաստի կապակցությամբ 16.01.2024թ-ին հարուցվել է վարչական վարույթ և Գայանե Հակոբյանը ծանուցվել է այդ մասին:

Վարչական իրավախախտման վերաբերյալ արձանագրության կազմմանը և նյութերի նախապատրաստմանը 30.01.2024թ-ին ժամը 10:20-ին և վարչական իրավախախտման գործի քննությանը 31.01.2024թ-ին ժամը 10:15-ին մասնակցելու նպատակով 17.01.2024թ-ին փոստային ծառայության միջոցով պատշաճ ծանուցում է ուղարկվել Գայանե Հակոբյանին:

Ծանուցագիրը Գայանե Հակոբյանի կողմից ստացվել է 17.01.2024թ-ին, սակայն Գայանե Հակոբյանը չի ներկայացրել, չի ներկայացրել որևէ բացատրություն և պահանջվող տեղեկություններ, ուստի վարչական իրավախախտման վերաբերյալ 30.01.2023թ-ին թիվ 666-2024/01-Ա արձանագրությունը կազմվել է վերջինիս բացակայությամբ:

Պատշաճ ծանուցված լինելով 31.01.2024թ-ին ժամը 10:15-ին նշանակված վարչական իրավախախտման գործի քննության վայրի և ժամանակի մասին՝ Գայանե Հակոբյանը էլեկտրոնային եղանակով 30.01.2024թ-ին ժամը 18:00-ին ներկայացրել է դիմում, որով խնդրել է

վարչական իրավախախտման գործի քննության օրը հետաձգել, դրամարկղային գրքի կորցնելու մասին տպագիր մամուլում ներկայացված հայտարարությունը ներկայացնելու համար:

Գործի քննարկման համար էական համարվող հանգամանքներ պարզելու նպատակով լրացուցիչ փաստաթղթեր ձեռք բերելու անհրաժեշտությունից ելնելով Գայանե Հակոբյանի նկատմամբ 16.01.2024թ-ին հարուցված վարչական վարույթի ժամկետը 31.01.2024թ-ին կայացված թիվ 666-2024/01-Ե որոշմամբ երկարաձգվել է:

«Վարչական վարույթի ժամկետը երկարաձգելու մասին» 31.01.2024թ-ին կայացված թիվ 666-2024/01-Ե որոշումը և վարչական իրավախախտման վերաբերյալ գործի քննությանը 06.02.2024թ-ին ժամը 10:30-ին մասնակցելու համար 01.02.2024թ-ին կազմված ծանուցագիրը Գայանե Հակոբյանին ծանուցվել են էլեկտրոնային gayane.hakobyan.1965@inbox.ru հասցեի միջոցով 01.02.2024թ-ին:

05.02.2024թ-ին Գայանե Հակոբյանի կողմից էլեկտրոնային եղանակով ներկայացվել է դիմում, համաձայն որի վերջինս ներկայացրել է «Հրապարակ» օրաթերթում 01.02.2024թ-ին տրված հայտարարությունը՝ «ԿԱՐԴԻՈՄԵԴ ԲԺՇԿԱԿԱՆ ԿԵՆՏՐՈՆ» ՍՊ ընկերության /ՀՎՀՀ՝ 01267854/ ողջ փաստաթղթերը, թիվ 2 դրամարկղային գիրքը և կնիքը կորցնելու վերաբերյալ:

Պատշաճ ծանուցված լինելով 06.02.2024թ-ին նշանակված վարչական իրավախախտման գործի քննության վայրի և ժամանակի մասին՝ Գայանե Հակոբյանը կամ վերջինիս ներկայացուցիչը չի ներկայացել:

ՀՀ հարկային օրենսգրքի 36-րդ հոդվածի 1-ին մասի 11-րդ կետի համաձայն՝ հարկային մարմինը (հարկային հսկողություն իրականացնող պաշտոնատար անձը) լիազորված է հարկային պարտավորությունների գանձումն ապահովելու նպատակով ՀՀ հարկային օրենսգրքով սահմանված դեպքերում և կարգով արգելանք դնել հարկ վճարողի (հարկային գործակալի) գույքի վրա.

ՀՀ հարկային օրենսգրքի 434-րդ հոդվածի 2-րդ մասի համաձայն՝ հարկ վճարողի դրամարկղում ունեցած կանխիկ դրամական միջոցների վրա արգելանք դնելու մասին որոշումը հարկ վճարողին ներկայացնելու օրը որոշումն ընդունած հարկային մարմնի պաշտոնատար անձը գույքագրում է հարկ վճարողի դրամարկղում առկա կանխիկ դրամական միջոցները և դրանք, ինչպես նաև արգելանքի կիրառման ժամանակահատվածում հարկային պարտավորությունների սահմանում դրամարկղ մուտքագրվող կանխիկ դրամական միջոցներն արձանագրությամբ ի պահ է հանձնում հարկ վճարողին: Հարկ վճարողի դրամարկղում առկա կանխիկ դրամական միջոցների՝ արգելանքի տակ գտնվելու ժամանակահատվածում որոշում կայացրած հարկային մարմնի պաշտոնատար անձն իրավունք ունի ցանկացած ժամանակ գույքագրելու դրամարկղում դրամական միջոցների առկայությունը, ինչպես նաև մուտքագրված և ելքագրված դրամական միջոցների շարժը, որի արդյունքներով կազմվում է արձանագրություն: Դրամարկղում կանխիկ դրամական միջոցների կամ կանխիկ դրամական միջոցների շարժի գույքագրման արձանագրության ձևը սահմանում է հարկային մարմինը, որում նշվում են գույքագրման ամսաթիվը, ժամանակահատվածը, արգելանքի տակ գտնվող դրամական միջոցների արժույթը, արժեքը, քանակը, մուտքագրված դրամական միջոցների արժեքը և դրանց ստացման աղբյուրը, ելքագրված դրամական միջոցների արժեքը և ծախսման ուղղությունները, ի պահ հանձնվող դրամական միջոցների արժույթը, արժեքը, քանակը, գույքագրման ընթացքում դրամարկղային գործառնությունների կատարման դադարեցման ժամանակահատվածը, նշում՝ արգելանքի կիրառման ժամանակահատվածում հարկային պարտավորությունների սահմանում դրամարկղ մուտքագրվող դրամական միջոցների արգելանքի տակ գտնվելու և ի պահ ընդունելու վերաբերյալ, գույքագրմանը մասնակցող անձանց տվյալներն ու ստորագրությունները: Նշված արձանագրությունները հարկ վճարողի

դրամարկղում առկա կանխիկ դրամական միջոցների վրա արգելանք դնելու մասին որոշման անբաժանելի մասն են:

ՀՀ հարկային օրենսգրքի 435-րդ հոդվածի 2-րդ մասի համաձայն՝ արգելանքն իրականացնող պաշտոնատար անձն արգելանքի տակ դրված այլ գույքն ի պահ է հանձնում հարկ վճարողին, իսկ եթե հարկ վճարողը փորձում է արգելանքի տակ դրված գույքը կամ դրա առանձին բաղադրամասերը վատնել, թաքցնել, ապօրինաբար մեկ ուրիշին հանձնել, փչացնել կամ ոչնչացնել, ապա գույքի պահատվությունը հանձնվում է նման գործունեություն իրականացնող մասնագիտացված կազմակերպությանը՝ պահատվության պայմանագրի հիման վրա: Պահատվության հետ կապված ծախսերը կատարում է հարկ վճարողը:

«Հարկային ծառայության մասին» ՀՀ օրենքի 35-րդ հոդվածի 1-ին և 3-րդ մասերի համաձայն՝

1. Հարկային ծառայողի՝ իր իրավասության սահմաններում առաջադրած պահանջները պարտադիր են բոլոր պետական կառավարման և տեղական ինքնակառավարման մարմինների, հիմնարկների, կազմակերպությունների, պաշտոնատար անձանց և քաղաքացիների համար:

3. Հարկային ծառայողի պահանջները չկատարելը կամ նրա պարտականությունների կատարմանը խոչընդոտելն առաջացնում է օրենքով սահմանված պատասխանատվություն:

Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված պատասխանատվության միջոցի կիրառումը հնարավոր է հետևյալ գործողություններից որևէ մեկի դեպքում.

1) հարկային հսկողություն իրականացնող պաշտոնատար անձի օրինական պահանջները չկատարելու,

2) տնտեսավարող սուբյեկտի՝ հարկային հսկողություն իրականացվող տարածք նրա մուտք գործելն արգելելու,

3) հարկային հսկողության նպատակներին անմիջականորեն առնչվող փաստաթղթեր, տվյալներ և այլ տեղեկություններ նրան չտրամադրելու,

4) օրենքով սահմանված կարգով իրականացվող հարկային հսկողության ընթացքին այլ կերպ խոչընդոտելու համար:

Պետք է նշել նաև, որ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի կիրառման համար անհրաժեշտ պայման է հանդիսանում այն, որ վերոհիշյալ արարքներից թեկուզ մեկը կատարվի փաստացի իրականացվող հարկային հսկողության ընթացքում, և խոչընդոտ հանդիսանա նշված հարկային հսկողության հետագա ընթացքն ապահովելու համար:

Տվյալ դեպքում հարկ է նշել, Գայանե Հակոբյանը պարտավոր էր ապահովել արգելադրում իրականացնող պաշտոնատար անձանց օրինական պահանջները, մասնավորապես, ներկայացնել պահանջվող փաստաթղթերը՝ դրամարկղային գիրքը և հարկ վճարողի այլ գույքակազմի վերաբերյալ տեղեկություններ:

Հիմք ընդունելով հիշյալ իրավակարգավորումները, համադրելով դրանք գործում առկա փաստական հանգամանքների հետ, պետք է նշել, որ Գայանե Հակոբյանը խոչընդոտել է հարկային հսկողություն իրականացնող պաշտոնատար անձանց ծառայողական պարտականությունների կատարմանը, հետևաբար Գայանե Հակոբյանի արարքում առկա է Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված իրավախախտման դեպքը:

Միաժամանակ, հաշվի առնելով, որ թեև «ԿԱՐԴԻՈՄԵԴ ԲԺՇԿԱԿԱՆ ԿԵՆՏՐՈՆ» ՍՊ ընկերության /ՀՎՀՀ՝ 01267854/ տնօրեն՝ Գայանե Հակոբյանը 29.11.2023թ-ին էլեկտրոնային

silva@fintax.am հասցեի միջոցով ստացել է հարկ վճարողի գույքի վրա արգելանք դնող պաշտոնատար անձի կողմից կազմված 31.10.2023թ-ի գրությունը, որով պահանջվել է գրությունը ստանալուց հետո եռօրյա ժամկետում ներկայացնել հարկ վճարողի դրամարկղում առկա կանխիկ դրամական միջոցների և այլ գույքի գույքագրման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով տեղեկություններ, այդ թվում՝ նաև դրամարկղային գիրքը, սակայն պահանջվող ժամկետում չի ներկայացել հարկային մարմին, չի ներկայացրել դրամարկղային գիրքը և չի ներկայացրել բացատրություն, այդուհանդերձ 30.01.2024թ-ին և 05.02.2024թ-ին «ԿԱՐԴԻՈՄԵԴ ԲԺՇԿԱԿԱՆ ԿԵՆՏՐՈՆ» ՍՊ ընկերության տնօրեն Գայանե Հակոբյանը էլեկտրոնային եղանակով ներկայացրել է դիմումներ, համաձայն որոնց հայտնել է, որ կորցրել է թիվ 2 դրամարկղային գիրքը և ներկայացրել է «Հրապարակ» օրաթերթում 01.02.2024թ-ին տրված հայտարարությունը:

Այսինքն՝ առկա են իրավախախտման վնասակար հետևանքները կանխելու և (կամ) վերացնելու ուղղությամբ միջոցներ ձեռնարկված լինելու հանգամանքները, բացի այդ, հաշվի առնելով այն հանգամանքը, որ 28.10.2019թ-ին ստացված թիվ 2 դրամարկղային գիրքը կորցրած լինելու պայմաններում գործնականում հնարավոր չէր ներկայացնել, ուստի՝ վարույթն իրականացնողը գտնում է, որ կատարված իրավախախտման համար Գայանե Հակոբյանի նկատմամբ հարուցված վարչական վարույթը ենթակա է կարճման:

Հիմք ընդունելով ամբողջ վերոգրյալը և ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին կետով, 244², 281 հոդվածներով և 282 հոդվածի 1-ին մասով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին կետի Գայանե Հակոբյանի նկատմամբ հարուցված վարչական վարույթը կարճել:

2/6/2024

X 

ԱՐՏՅՈՒ ՍՄԲԱՏՅԱՆ

Signed by: SMBATYAN ARTYOM 3210860416

ԱՐՏՅՈՒ ՍՄԲԱՏՅԱՆ

Ծանոթություն. Սույն վարչական ակտը ստորագրված է «Էլեկտրոնային փաստաթղթի և էլեկտրոնային թվային ստորագրության մասին» Հայաստանի Հանրապետության օրենքով սահմանված կարգով՝ էլեկտրոնային եղանակով:

Վարչական իրավախախտումների վերաբերյալ ՀՀ օրենսգրքի համաձայն Սույն վարչական ակտն ընդունված է համարվում ստորագրվելու օրվանից, ուժի մեջ է մտնում հասցեատիրոջն իրազեկելուն հաջորդող օրվանից և ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

Ստացա որոշման պատճենը